



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Defensio Abbatiae Imperialis S. Maximini**

**Zyllesius, Nicolaus**

**Treveris, 1638**

86. Ferdinandi Secundi Imperatoris Diploma Dat. Anno MDCXXVI.

**urn:nbn:de:hbz:466:1-14268**

extrantium & futurorum subsidiorum, morosi fueritis, tunc illo ipso tu, illique non solum in pœnam eiusmodi incidistis, sed suæ Dilectioni, quia eiusdem possessionis, vel quasi pro allegato modo probata est, integrum erit possessionem habitam per se manutenere ac tueri, viaque executoriâ procedere. Ac deinde vt tu Sancti Maximini Abbas, & Maximiniani subditi, aut quiuis alius, suam Dilectionem allegata & dicto modo manifesta, antiqua, vsurpata, sententiis luribusque confirmata, Iuris collectandi vel quasi possessione, nullatenus deinceps turbare aut molestare debeatis. Verùm, si quippiam in contrarium, siue in plenario possessorio, siue petitorio, conquerendum sit, id ipsum in locis competentibus fiat & deducatur. Vbi sua Electoralis Dilectio Iustitiæ complementa non retardabit. Tibi insuper Abbati auctoritate nostra supradicta Cæsarea mandamus & volumus, vt ob suæ Dilectioni causatas, & te auctore, cœptas supradictas inuisiones Archiepiscopatus, obque violatum territorium, & inde exortos sumprus, vnde Treuirensibus subditis aliquando periculosa turbatio nasci posset, ab istis omnimodè abstineas. Iubemus quoque ac citamus vos prædicta nostra auctoritate Cæsarea, vt post lapsum duorum mensium, in sinuatum hoc nostrum Cæsareum mandatum, quem vobis pro primo, secundo, tertio, postremo ac finali Iudiciali die ponimus, & peremptorie denominamus, aut, quo casu ille Iudicialis dies non foret, ad proximum deinde sequentem diem Iudicalem, in aula nostra Cæsarea, vbicunq; tunc illa fuerit, compareatis, quod huic nostro Cæsareo mandato, quoad omnia contenta obedienter fuerit obtemperandum, ad fideliter declarandum, vel (quo non) ad videndum & audiendum vos præfatam pœnam incurrisse sententiâ, & per sententiam Iure decerni & declarari, vel ad legitimas causas proferendum, cur ista declaratio fieri non debeat, & definitiuam, super hoc sententiam, expectandum: Nam siue tum compareatis, siue non, nihilominus tamen procedetur in Iure ad instantiam partis obtemperantis, prout iustum & æquum videbitur, & secundum hæc vos disponatis. Datum in nostra & sacri Imperij Vrbe Ratisbonâ 12. die mensis Octobris Anno 1613 Regnorum nostrorum: Romani secundo, Vngarici quinto, Bohemici tertio.

86.

*Ferdinandi II. Imperatoris Diploma, Datum Anno  
MDCXXVI.*

**F**ERDINANDVS Secundus diuinâ fauente clementiâ electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Schlaunoniæ, &c. Rex. Archidux Austriæ. Dux Burgundiæ, Brabantæ, Stiriæ, Carinthiæ, Carneoliæ, &c. Marchio Moraviæ, &c. Dux Luxemburgiæ, ac superioris & inferioris Silesiæ, Wirtembergæ & Teckæ, Princeps Sueuiæ, Comes Habsburgi, Tyrolis, Ferreti, Kyburgi & Goritiæ, Landgravius Alsatæ, Marchio Sacri Romani Imperij, Burgoniæ, ac superioris & inferioris Lusatæ, Dominus Marchiæ Sclauoniæ, Portus Naonis & Salinarum, &c. Ad perpetuam rei memoriam agnoscimus, & notum facimus tenore præsentium vniuersis. Toties Imperialis Aquilæ sceptrum extollitur altius, & ipsius status à Domino (à quo datur omnis potestas) gubernatur felicius: quoties loca Vicario cultui dedicata ab irruentibus vndique molestiis piâ sollicitudine præmuniuntur, iisdemque stabilien-

dis ac conseruandis iugiter inuigilatur. Attendentes igitur Monasterij Sancti Maximini in suburbio Ciuitatis Imperialis Treuirensis constructionem & dotationem à prædecessoribus nostris Romanorum Imperatoribus institutam, & religiosorum ibidem exactæ vitæ professionem, obseruantiam, & deuotionem: dignum iudicamus, vt quod per illos bono zelo erectum extitit, per nos sedulo conseruetur, quo & diuinus cultus augeatur, & sanctis atque electis Dei maior ibidem in dies honor exhibeatur; Hocque ex eo maximè futurum arbitramur, si Abbas & Religiosi ipsi in bona quiete & tranquillitate à nobis, tanquam Romanorum Imperatore, cuius Protectioni, & Saluaguardiæ immediatè subiacent, defendantur & foueantur. Quate cum Honorabilis Agritius Abbas, & Conuentus Monasterij Sancti Maximini humiliter à nobis petierint, quatenus de solita benignitatis nostræ clementia, eis omnia & singula Priuilegia, literas, libertates, concessiones, donationes, immunitates, iura, feuda, iurisdictiones & gratias, quas, & quæ, à Diuæ memoriæ Romanorum Imperatoribus & Regibus, Prædecessoribus nostris, item Ducibus Burgundiæ, atque alijs Principibus & Christi fidelibus obtinuerunt, approbare, innouare, ratificare, confirmare, & nouis augmentare gratiosius dignaremur, æquum omnino esse duximus, ad imitationem & æmulationem Prædecessorum nostrorum, Romanorum Imperatorum & Regum, vsque ad tempora Rudolphi Secundi Imperatoris, Augustæ memoriæ, iam dictum Abbatem & Conuentum, ipsorumque Monasterium nostra quoque confirmationis munificentia, vt, quod per Prædecessores nostros pijsimo zelo erectum extitit, per nos sedulo conseruetur, locupletare. Idcirco ad laudem & gloriam Dei omnipotentis, intemeratæ eius genitricis Virginis Mariæ, & Sanctorum Ioannis Apostoli & Euangelistæ, Maximini, Agritij, Nicetii, Basini, Meomadi & aliorum, quorum ibidem requiescunt corpora, maiorem honorem, diuini cultus augmentum, & Imperialis nostræ potestatis, Romanique Imperij, ac nostræ posteritatis incrementum, vniuersa priuilegia, literas, concessiones, libertates, confirmationes, immunitates, iura, feuda, castra, flumina, munitiones, oppida, villas, terras, dominia, Iurisdictiones, consuetudines, honores, consuetas & laudabiles obseruantias: inter quas, has specialiter exprimendas esse duximus, vt Abbas, sicut sub Diuis Prædecessoribus nostris, Romanorum Imperatoribus & Regibus, &c. sic & sub nobis, & Successoribus nostris titulo Archicapellani Romanorum Imperatricis gaudeat & vtatur. Aduocatas omnes, quæ ad Monasterium spectant, cum sibi commissa Congregatione, cui velit dandi, cuique velit tollendi, potestatem in perpetuum habeat: nullus ab illorum nauibus, bonis & hominibus telonium exigat, & quodcumque diuinâ vocatione Abbas obierit, & ad loca meliora transierit, fratres liberum inter se, iuxta antiquam consuetudinem & Regulam Sancti Benedicti eligendi Abbatem habeant arbitrium, aliisque omnia & singula priuilegia & gratias prædictis: Abbati & Conuentui, ipsique Monasterio Sancti Maximini in capite & in membris à recolendæ memoriæ Romanorum Imperatoribus indulta vel indultas, concessa vel concessas maturo præcedente consilio, ex certâ nostrâ scientiâ, & de Imperiali nostræ potestatis plenitudine in omnibus clausulis, articulis, punctis & sententijs, ac si prædictorum Priuilegiorum, literarum, donationum, libertatum, concessionum iurium, feudorum, consuetudinum, honorum et bonorum omnium tenores præsentibus de verbo ad verbum essent inserti, approbamus, innouamus, laudamus, ratificamus, & præsentis Diplomatis patrocinio

& autoritate Imperiali confirmauimus. Præterea ipsum Sancti Maximini Monasterium (quod sacri Romani Imperij specialis domus ac reseruata camera existit) eiusque Abbatem & Conuentum, cum omnibus & singulis eorum bonis, villis, oppidis, iuribus & libertatibus, possessionibus, redditibus, subditis, hominibus, seruitoribus, familiaribus, vbiunque locorum sitis, in nostram singularem ac sacri Romani Imperij protectionem, guardiam, & defensionem recipimus. Volumus insuper, & districte præcipimus vniuersis & singulis, & speciatim Venerabili Archiepiscopo & Electori Treuirensi, aut qui pro tempore rerum potietur, vt præfatos: Abbatem & Conuentum, eorumque Monasterium, cum omnibus & singulis ipsius membris, subditis, bonis & pertinentijs, vbiunque locorum ea sita sint, salua semper & immunia teneant, nec illis muna publica vel priuata, neque onera, neque vecturas, neque exactiones, neque telonia, neque alia quæcunque grauamina, quocunque nomine censeantur, contra expressum priuilegiorum tenorem imponere, vel ab iisdem exigere præsumant, sed potius eos in nostris & Diuorum Prædecessorum nostrorum Priuilegijs ac confirmationibus tueantur & defendant, Cassantes nihilominus & annihilantes, omnia & singula mandata, exactiones & grauamina quæcunque huic nostro Imperiali Priuilegio contraria, à quocunque, quouis modo attentata fuerint. Mandamus proinde vniuersis & singulis Electoribus, alijsque Principibus Ecclesiasticis & secularibus, Archiepiscopis, Episcopis, Ducibus, Marchionibus, Comitibus, Baronibus, Militibus, Nobilibus, Clientibus, Capitaneis, Præfectis Ciuitatum, Oppidorum & locorum Communitatibus, & Rectoribus eorundem, cæterisque nostris, & Imperij sacri fidelibus, dilectis, & præsertim Serenissimo Hispaniarum Regi Catholico &c. præfenti & futuro tanquam Duci Luxemburgensi, & Cæsareo ac Regio ipsius Monasterij Aduocato, quatenus præfatum Abbatem, Conuentum & Monasterium, ac subditos, homines, bona, redditus & iura ipsorum ab omnibus iniurijs, molestijs, oppressionibus, perturbationibus, & violentijs autoritate nostrâ protegant, manuteneant, defendant & conseruent, quotiescunque necessarium erit, aut per ipsos, vel eorum nuntios seu procuratores requisiti fuerint. Decernentes, præcipientes & volentes prædicta, & eorum quodlibet, vt præmittitur, perpetuis temporibus obtinere inuiolabilis roboris firmitatem. Nulli ergo omnino hominum liceat hanc nostræ confirmationis, corroborationis, innouationis, protectionis & Decreti paginam infringere, aut ei quouis ausu temerario contraire. Si quis autem hoc attentare præsumperit, nostram & Imperij sacri indignationem grauissimam, ac pœnam quinquaginta Marcharum auri puri, pro dimidia Fisco seu ærario Imperiali, pro reliqua verò iniuriam passi ac passorum vsibus toties, quoties contra factum fuerit, se nouerit ipso facto irremissibiliter incursum. Harum testimonio litterarum manu nostra subscriptarum, & sigilli nostri Cæsarei appensione munitarum. Datum in Ciuitate nostra Viennæ, die duodecima Mensis Octobris Anno Domini, millesimo, sexcentesimo, vigesimo sexto, Regnorum nostrorum: Romani octauo, Hungarici nono, Bohemici vero decimo.